

四庫全書

子部

欽定四庫全書

欽定西清硯譜卷二十二

附錄

松花石雙鳳硯

松花石甘瓜石函硯

松花石壺盧硯

松花石翠雲硯

乾清宮

松花石蟠螭硯

松花石河圖洛書硯

澄泥硃硯

懋勤殿

澄泥墨硯


懋勤殿

宋哥窑磨餘硯


舊烏玉硯

松花石雙鳳硯正面圖

繪圖十分之八



松花石雙鳳硯背面圖



松花石雙鳳硯說

硯高五寸三分許寬三寸五分厚五分松花石為之橫理綠色如蕉葉初展碧潤可愛上方刻鳳凰一窪下為墨池右為鳳雛一相向受墨處正平覆手鐫

聖祖仁皇帝御製識語十八字楷書鈐寶二一雙龍圖璽  
上下乾坤二卦中曰體元主人一曰萬幾餘暇謹  
案松花石出混同江邊砥石山綠色光潤細膩品

埒端歟自明以前無有取為硯材者故硯譜皆未  
之載我

朝發祥東土扶輿磅礴之氣應候而顯故地不愛寶

以翊

文明之運自康熙年至今取為硯材以進

御者

內府所藏琳瑯滿目謹擇

列祖暨

皇上曾經御用有款識者恭採六方繪圖著說冠於硯  
譜之首用以照耀萬古云






聖祖仁皇帝御製松花石雙鳳硯識語


壽古而質潤色綠而聲清起墨益毫故其寶也




松花石甘瓜石菌硯蓋外面圖



松花石甘瓜石函硯蓋內面圖



松花石甘瓜石匱硯正面圖



松花石甘瓜石函硯背面圖




松花石甘瓜石壺硯說

硯高四寸三分下寬二寸八分而上微斂厚一寸二分松花石為之硯體橢圓作甘瓜形八稜上方左刻為瓜蒂鬚葉下垂葉有蟲蛀痕宛轉生動底蓋相應中剖為二天然合縫蓋裏稍光而穹起硯面正平受墨處不出光以起墨上方墨池為虫蝕痕天然屈曲硯背石方鐫康熙年製四字篆書





松花石壺盧硯正面圖 繪圖十分之八



松花石壺盧硯背面圖



松花石壺盧硯說

硯高五寸七分上寬二寸五分下寬四寸厚五分  
壺盧式松花石為之下寬處為硯面上為墨池刻  
蝙蝠一覆之如飲墨狀覆手鐫


世宗憲皇帝御題銘一首隸書鈐寶一曰雍正年製



世宗憲皇帝御製松花石壺盧硯銘  
以靜為用是以永年



松花石翠雲硯正面圖  
繪圖十分之五





松花石翠雲硯背面圖



松花石翠雲硯說

硯為鐘形通紐高九寸上寬三寸九分下寬六寸四分厚一寸四分松花石為之受墨處綠如翠羽墨池作偃月形池底及硯面俱淡黃色硯首刻作蒲牢形左向為紐側面四周俱綠黃色相間覆手從上削下兩跗離几六分許色黃綠相錯如松皮紋上鐫翠雲硯三字隸書中鐫

上在潛邸時所題詩一首楷書鈐寶二曰會心不遠曰

德充符匪益並鐫翠雲研及是詩鈴寶二曰得佳  
趣曰樂善堂

御製題松花石翠雲硯


松花江水西北來，搖波鼓浪殷其雷。  
波收浪捲灘石出，高低列翠如雲堆。  
蜀相八陣此其種，江間水流石不動。  
日月臨照晶光華，波濤濯洗如璧珪。  
長刀槎斫繩脩蛇，刀割繩縛出灘沙。  
他山之石為之礪，羶包車載數千里。  
遠自關東來至此，橫理庚庚綠玉簪。  
長方片片清秋水，爰命玉人施好手。  
質堅不受相攻剗，磨礪幾許硯乃成。  
貯以檀匣陳左右，龍尾鳳凰味且姑。  
置銅雀舊瓦，今何有。

自意得此迥出羣錫以佳名傳不朽


松花石蟠螭硯蓋外面圖 繪圖十分之七



松花石蟠螭硯蓋裏面圖




松花石蟠螭硯正面圖





松花石蟠螭硯背面圖



松花石蟠螭硯說

硯高五寸四分寬三寸五分連座厚一寸七分松  
花石為之橢圓式硯面色黃如蒸栗墨池中卧蟠  
螭一池深四分許池底淡碧色側面周界淡碧色  
石脉一道下連座出硯二分許離几五分許周刻  
卧螭文座底刻三龍戲珠雲氣縈繞中鐫圓寶一  
曰乾隆清玩方寶一曰奉三無私匣蓋亦松花石  
為之淡碧色面刻蘆汀蓉渚蘋藻交橫鷺鷥九飛

鳴啞食脩極生動上方鐫

御題蘆洲白鷺畫幅詩一首行書鈐寶二曰惟精惟一  
曰乾隆宸翰蓋內鐫

御題銘一首楷書鈐寶一曰永寶用之

御製松花石蟠螭硯銘

出天漢勝玉英琢為研純粹精粍幾摘藻屢省成

御製題蘆洲白鷺畫幅詩


殺紋搖漾水天秋蘆葦蕭蕭颭晚洲  
妙趣南華誰解得祇應鷗鷺一羣遊



松花石河圖洛書硯蓋外面圖 繪圖十分之七



松花石河圖洛書硯正面圖



松花石河圖洛書硯背面圖

乾隆年製




松花石河圖洛書硯說

硯高五寸五分寬三寸六分連座厚五分松花石  
為之四圍正黃色墨池旁刻雙螭昂首內向受墨  
處嵌綠色石一片約長三寸四分寬二寸五分亦  
松花石座四圍出硯三分許四隅有足離几分許  
中為覆手鐫乾隆年製四字篆書匣蓋滄碧色地  
上刻雲山下湧波濤有龍馬洛龜象右方鐫龍馬  
負圖洛龜獻書八字隸書後有玉質二字方印二


皆黃色



澄泥硃硯正面圖



澄泥硃硯背面圖



澄泥硯說

硯高二寸三分許寬二寸許厚三分澄泥黃色潤  
如蒸栗受墨處正平墨池為偃月形邊周起線四  
角稍圓而硯內入覆手深分許中鐫

御題銘一首楷書鈐寶一曰朗潤




御製澄泥硃硯銘

點周易難研理批奏章慎臧否遣興摘詞餘事耳然而  
無不慙乎爾






澄泥墨硯正面圖



澄泥墨硯背面圖



澄泥墨硯說

硯尺度體製並與硃硯同覆手鐫

御題銘一首楷書鈐寶一曰朗潤謹案硃墨二硯並貯

文具格中

上披閱封章

發揮天藻

乙夜行厨常侍

翰席霑


筆雨而霈墨華可為硯石慶榮遇云

御製澄泥墨硯銘

絳縣得材偶倣古  
餘製二硯硯匣貯臨池  
五合之一助  
逮憶蘇言意則憮



宋哥窑蟾蜍硯正面圖





宋哥窑蟠螭硯背面圖



宋哥窑蟾蜍硯說

硯為蟾蜍形高四寸四分許寬三寸七分許厚一寸一分宋哥窑製釉文冰裂胎質紫黝蟾背無釉為受墨處上方為墨池周側隱起如股脚結曲形蟾腹為覆手深五分許中鐫永壽二字篆書周鐫御題詩一首楷書鈐寶一曰德充符匣蓋內並鐫是詩鈐寶二曰會心不遠曰德充符考磁硯古今硯譜皆未著錄惟宋朱芾硯史稱杭州龍華寺收梁傳


大士甕硯一枚磨墨處無磁油殊著墨是硯似仿  
其意為之又考宋時有生一生二弟兄皆以蜜器  
著而生一所製尤良當時號曰哥蜜云

御製題宋哥窯蟾蜍硯


書滴曾聞漢廣川  
翻然為硯永其年  
若論生一陶成物  
自合揮毫興湧泉



舊烏玉硯 正面圖 繪圖十分之六



舊烏玉硯背面圖



舊烏玉硯說

硯為琴式高七寸四分尾寬二寸五分首寬三寸二分烏玉色純黑扣之聲璆然中為受墨處微窪墨池深三分許上鐫

御題詩一首楷書鈐寶二曰比德曰朗潤覆手制如琴腹上琢鳳池中龍池兩池之間高起為鳳足二所以承琴龍池上鐫太古二字左右鐫烏玉墨硯四字俱篆書下琢為軫池池側高起鬼掌二所以護




軫考玉硯僅見宋米芾硯史有自製蒼玉硯而烏  
玉流傳尤鮮惟周禮有元璜禮北方之文潛確類  
書亦載玉有五色元玉曰璆黑玉曰璚其光可鏡  
曰玖是硯色如純漆而寶光外瑩用之經冬不冰  
雖發墨微遜端溪要為文房珍品堪脩硯林別乘  
匣蓋鐫

御題詩與硯同隸書鈐寶二曰乾隆宸翰曰惟精惟一

御製題舊烏玉硯

不冰雖足用嚴寒受墨終須遜舊端應寄香山白少傅  
陸機文讀試燒看



欽定西清硯譜卷二十二

欽定四庫全書

子部

欽定西清硯譜卷二十三

詳校官中書臣李彤

負外郎臣牛稔文履勘

總校官編修臣王燕緒

校對官編修臣吳省蘭

謄錄監生臣葛瀛三

繪圖監生臣門慶安

欽定四庫全書

欽定西清硯譜卷二十三

附錄

紫金石太平有象硯

駝基石五螭硯

紅絲石風字硯

紅絲石四直硯

澄泥八方硯

倣魏興和甌硯

弘德殿

倣唐八棱澄泥硯

樂壽堂

倣唐菱鏡硯一

景福宮

倣唐菱鏡硯二

慎修思永

倣唐觀象硯

萬方安和


倣澄泥虎伏硯

文源閣

倣宋宣和梁苑雕龍硯

養性殿

紫金石太平有象硯正面圖 繪圖十分之七



紫金石太平有象硯背面圖

紫金石硯臨  
胸產起墨益  
毫略次端刻  
作太平稱有  
象斯之未信  
敢心寬  
乾隆戊戌夏  
御題





紫金石太平有象硯說

硯高六寸五分寬四寸五分厚一寸一分臨胸  
紫金石也硯面正平受墨處刻為瓶形旁綴象  
耳貫以雙環瓶口為墨池硯背刻象形背負寶  
瓶上方鐫

御題詩一首楷書鈐寶二曰會心不遠曰德充符匣  
蓋並鐫是詩隸書鈐寶二曰幾暇怡情曰得佳  
趣考宋高似孫硯箋稱紫金石出臨朐色紫潤

澤發墨如端歛又稱唐時競取為硯芒潤清響  
國初已乏云云當由端歛既盛行採取者少故  
甚少流傳耳是硯質理既佳琢製亦精堪備硯  
林一格

御製題紫金石太平有象硯


紫金石硯臨胸產起墨益毫略次端刻作太平稱有  
象斯之未信敢心寬



駝基石五螭硯正面圖 繪圖十分之七



駝基石五螭硯背面圖



駝基石五螭硯說

硯高五寸七分寬四寸厚一寸一分駝基石  
為之受墨處寬平墨池深廣中刻蟠螭一邊刻  
作四螭遶之覆手鐫

御題詩一首楷書鈐寶二曰乾隆匣蓋並鐫是詩隸  
書鈐寶二曰幾暇怡情曰得佳趣考高似孫硯  
箋稱駝基石出登州駝基石色黑羅文金星發  
墨類端歛是硯雖係新製而質理鋒穎佳處不

減龍尾可備硯林別品



御製題駝基石五螭硯

駝基石刻五螭蟠受墨何須誇馬肝設以詩中例小品謂同島瘦與郊寒



紅絲石風字硯正面圖  
繪圖十分之九



紅絲石風字硯背面圖



紅絲石風字硯下方側面圖

石出臨  
胸紅絲  
組錦製  
為風字  
宣和式  
雷既堅  
以潤腴  
發墨潘  
雖遜舊  
端足備  
一品  
乾隆戊  
戌仲春  
月上  
御銘

紅絲石風字硯說

硯高三寸八分上寬二寸四分下寬三寸八分  
厚七分臨胸紅絲石琢為風字形硯面寬平墨  
池深四分許式古雅而便染翰硯背正平無覆  
手下方側面鐫

御題銘一首楷書鈐寶一曰太璞匣蓋並鐫是銘隸  
書鈐寶二曰比德曰朗潤


御製紅絲石風字硯銘

石出臨朐紅絲組錦製為風字宣和式審既堅以潤  
腴發墨審雖遜舊端足備一品






紅絲石四直硯正面圖



紅絲石四直硯背面圖



紅絲石四直硯說

硯高三寸六分寬二寸四分厚七分石質細潤黃理而紅絲邊勒四直受墨處正平覆手鐫

御題詩一首楷書鈐寶二曰比德曰朗潤匣蓋並鐫是詩隸書鈐寶二曰會心不遠曰德充符考宋高似孫硯箋引唐錄稱唐中和年青州石工蘇懷玉於石洞中得石四五寸磨治為硯墨膏浮泛蒸濡如露異於他石後洞門石摧遂絕又引


歐譜稱紅絲硯須飲水乃發墨云云似舊石久  
稀而宋時新製稍嫌渴墨是硯雖非舊石而瑩  
潤宜墨文彩煥發真文房佳器也

御製題紅絲石四直硯

紅絲鸚鵡昨曾吟  
小式直方茲盍簪  
未識拔茅聲應處  
能如斯否惕予心



澄泥八方硯正面圖 繪圖十分之九



澄泥八方硯背面圖





澄泥八方硯上方側面圖

澄泥八方硯

澄泥八方硯說

硯八稜體徑三寸五分稜徑三寸八分厚五分  
澄泥為之澹黃色受墨處正平斜入墨池深二  
分許上方側面鐫澄泥八方硯五字楷書覆手  
深一分許中鐫


御題銘一首楷書鈐寶一曰比德匣蓋並鐫是銘隸  
書鈐寶一曰德充符匣底內鐫乾隆御用外鐫  
澄泥八方硯俱隸書

御製澄泥八方硯銘

四圍四隅義具八方匪燥匪濕含陰含陽從模則柔  
以陶則剛用之綸綍慎茲典常



仿魏興和甄硯正面圖



仿魏興和甄硯背面圖

澄汾水之泥倣魏代之

甄在興和已稱舊然豈久於

祖龍之年今長城猶故物也夫誰

迴顧以視焉是知物貴所託龍門

謂青雲之士蓋亦有感而為

言 乾隆御銘



仿魏興和甄硯上方側面圖

仿魏興和甄硯

仿魏興和甄硯說

硯高四寸四分寬二寸九分厚三分澄泥製橢圓式受墨處周刻邊線如瓶形瓶口為墨池深二分上方側鐫倣魏興和甄硯六字楷書硯背鐫

御題銘一首楷書鈐寶二曰乾隆是硯蓋倣

內府舊藏甄硯作而彼則外方內圓此則竟作瓶形且色如黃玉扣之作金石聲真堪比美匣蓋鐫



御題銘與硯同隸書鈴寶二曰比德曰朗潤匣底內  
鐫乾隆御用四字外鐫仿魏興和甄硯六字並

隸書




御製仿魏興和甄硯銘

澄汾水之泥仿魏代之甄在興和已稱舊然豈久於  
祖龍之年今長城猶故物也夫誰迴顧以視焉是知  
物貴所託龍門謂青雲之士蓋亦有感而為言




仿唐八稜澄泥硯正面圖

繪圖十分之八



仿唐八稜澄泥硯背面圖



仿唐八稜澄泥硯上方側面圖

仿唐八稜澄泥硯

仿唐八稜澄泥硯說

硯八稜體徑四寸一分稜徑四寸五分厚五分  
舊澄泥仿唐八稜硯式製色黃而質細溫潤如  
石受墨處中圓如月周環以渠深二分許外為  
八稜上方側面鐫仿唐八稜澄泥硯七字楷書  
覆手亦八稜微有鐵花紋中鐫

御題銘一首楷書鈐寶二曰會心不遠曰德充符匣  
蓋並環鐫是銘隸書鈐寶同匣底內鐫乾隆御



用四字外鐫仿唐八稜澄泥硯七字並隸書考  
內府唐硯邊周刻海水魚龍是硯仿其形製而邊  
不雕幾彌見渾雅




御製仿唐八稜澄泥硯銘

昔也泥今則石葆其光堅以澤外象卦中呈壁利筆  
毫發墨液陶冶功化物無迹育材作人慙莫釋



仿唐菱鏡硯正面圖

繪圖十分之八  
第一硯



仿唐菱鏡硯背面圖



仿唐菱鏡硯說

硯圓徑四寸八分厚八分三足高五分刻作菱  
花環為墨池池深二分受墨處有鸚鵡眼一斜  
帶黃龍紋中有翡翠紋長短各一硯背鐫

御題銘一首楷書鈐寶一曰會心不遠匣蓋並鐫是  
銘隸書鈐寶二曰幾暇怡情曰得佳趣是硯係  
宋坑石仿

內府舊藏唐菱鏡硯式製






御製仿唐菱鏡硯銘

製仿唐石猶宋出古坑成今礪鵲眼一如月洞異鏡  
明具鏡用百代鑒六義供



仿唐菱鏡硯正面圖

繪圓十分之八  
第二硯



仿唐菱鏡硯背面圖



仿唐菱鏡硯說

硯如菱花而九出徑各四寸六分厚六分許歛  
石色微黝受墨處正平如鏡亦為菱花式外環  
墨池硯背花瓣仰承三跗附萼上方鐫仿唐菱  
鏡硯五字楷書左界石脉一道中有金星一下  
鐫

御題銘一首楷書鈐寶二曰乾隆案

內府舊藏唐菱鏡硯本係歛石

皇上曾命以宋端舊石仿式為之茲復以舊歛石仿製是硯并各為之銘兩美競爽並為文房佳品

匣蓋鐫

御題銘與硯同鈐寶一曰乾隆宸翰中鐫乾卦圓寶一匣底鐫仿唐菱鏡硯五字楷書鈐寶一曰乾隆御用


御製仿唐菱鏡硯銘

菱花剪瓣肖厥鏡形匪銅玻瓈石出歛坑唐有此製  
師古用成惕殷鑒以自照誰曰摘文是寶





仿唐觀象硯正面圖



仿唐觀象硯背面圖

古聖觀象

意在筆前卦雖

畫八理具先天伊誰

仿唐製硯義闡韋編四維四隅

觀匪方匪圓弗設奇偶全體

象備焉玩辭是資選石倣旃

硯滴露研朱用佐窮年

乾隆丙申新正

御銘



仿唐觀象硯說

硯八稜稜廣四寸八分徑四寸五分厚四分端  
石製硯首鸚鵡活眼一高似孫硯箋所謂端溪  
石以高眼為貴是也下為墨池深二分硯背上  
方鐫仿唐觀象硯五字楷書中鐫

御題銘一首楷書鈐寶二曰德充符曰會心不遠  
蓋並鐫是銘隸書鈐寶二曰幾暇怡情曰得佳  
趣匣底內鐫乾隆御用四字外鐫仿唐觀象硯

五字並隸書是硯蓋仿


內府舊藏唐觀象硯式作而尺度微小厚亦減十  
分之六云

御製仿唐觀象硯銘


古聖觀象意在筆前卦雖畫八理具先天伊誰製硯  
義闡韋編四維四隅匪方匪圓弗設奇偶全體備焉  
玩辭是資選石倣旃滴露研朱用佐窮年



仿澄泥虎伏硯蓋外面圖




仿澄泥虎伏硯蓋內面圖






仿澄泥虎伏硯正面圖



仿澄泥虎伏硯背面圖



仿澄泥虎伏硯說

硯高四寸五分上寬二寸五分下寬三寸八分  
許厚一寸四分仿宋澄泥為之色紫形製稍圓  
有青綠而無天然剝蝕痕虎首微尖小兩耳正  
圓與舊式稍異餘俱與舊式畧同蓋內鐫

御題銘一首隸書鈴寶二曰比德曰朗潤匣蓋內並  
鐫是銘鈴寶二曰會心不遠曰德充符是硯

上出

內府舊式

命吳中巧匠仿造進


御雖古藻稍遜而摹仿逼真質亦堅潤蓋幾無虎賁  
中郎之辨

御製仿澄泥虎伏硯銘

呂老所造茲不可得金閭巧煨如伏虎式球琳其質  
青綠其色置之舊側幾難別白列於文房友乎子墨  
幾暇怡情揮毫是北每繹旅葵不無慙德



仿宋宣和梁苑雕龍硯正面圖



仿宋宣和梁苑雕龍硯背面圖





仿宋宣和梁苑雕龍硯說

硯高五寸九分寬二寸九分厚一寸二分舊端溪石受墨處外三面環以墨池邊左右周刻升降龍各二上下抱珠硯首穹起中鑿一竅豎為碑形穹起處刻為波紋十層下方側面鐫

御題銘十二字如半環右旋硯首穹起處環竅接鐫銘十二字亦右旋俱篆書覆手四面斜削為跗中鐫大清乾隆仿製六字篆書案

內府舊藏宋宣和梁苑雕龍硯一是硯仿式為之  
雕鏤尺寸不爽銖黍惟舊銘從硯首右旋接下  
方側面讀此處

御銘從下方側面右旋接硯首讀為稍異耳匣蓋鐫  
御題銘與硯同鈐寶二曰乾隆

御製仿宋宣和梁苑雕龍硯銘

琢蜿蜒含氤氲龍德符昭其文髣乎髴闡舊聞游天  
池蒸墨雲

欽定西清硯譜卷二十三